


Tempi fà, quandu u Corsu stava di più per i paesi chè per e piaghje, eranu parechji à avè è à fà u so ortu.



À l'ultimi di Nuvembre, e raccolte di l'ortu sò compie per l'annata. I granaghji, e grate è e cantine sò colmi di robba : frutti secchi o freschi, grane... Ma micca tuttu u mondu era furtunatu. Cusì, una parte di e raccolte era messa da cantu per i più poveri.



A sera di u 30 di Nuvembre, per a Sant'Andria i più poveri, vestuti di neru da ùn esse ricunnisciuti, facianu u giru di u paese intunendu prigantule. A ghjente tandu uffria appena di robba.



À le volte, tutta a robba era accolta in chjesa chè stava aperta a notte di a Sant'Andria è ognunu si servia.



Oghje, in parechji paesi di Corsica, da mentene sta tradizione, sò i zitelli vestuti di neru è mascherati di carbone chè facenu u giru di u paese cantendu è sunendu. A Sant'Andria hè a festa di a spartera è di a sulidarità.



*Sant'Andria pescadore...*